

Servizo de  
CONTRATACIÓN

CONCELLERÍA  
DE  
CONTRATACIÓN

CONCELLO  
DE VIGO



**A Mesa de Contratación do Concello de Vigo, na súa sesión de data 09 de febreiro de 2023, realizou entre outras, as seguintes actuacións:**

## **11.- Propostas de adxudicación**

### **a) Procedemento aberto para a contratación da promoción turística do destino Vigo a través da súa conectividade aérea directa coa Cidade de Londres (anos 2023-2025) (8.283-104)**

A secretaria pregunta aos membros asistentes se teñen algún conflito de intereses co licitador clasificado en primeiro lugar neste procedemento. Ningún dos asistentes manifesta ter conflito de intereses con el.

A continuación comunica que con data do 23 de xaneiro de 2023 notificouse ao licitador clasificado en primeiro lugar, RYANAIR DAC, a resolución de clasificación xunto co requirimento de documentación. Dentro do prazo concedido, o 6 de febreiro de 2023, o licitador presentou a documentación. Logo da súa revisión, a Mesa acorda, por unanimidade:

- Conceder un prazo de tres días a RYANAIR DAC para que poida emendar a seguinte documentación:
  - Solvencia económica: o licitador achega certificado de inscrición no Rexistro Mercantil de Irlanda onde se indica que a sociedade presentou as súas contas ata o 9 de outubro de 2020. Así mesmo, achega declaración responsable na que RYANAIR DAC fai constar que RYANAIR DAC "no aprueba ni publica cuentas anuales individuales, de acuerdo con el Derecho Irlandés, ya que se acoge a la excepción prevista en el Artículo 17(1) de la Ley Irlandesa de Sociedades (modificada) de 1986. II. La situación económica de RYANAIR DAC se refleja en las cuentas anuales de su sociedad matriz, Ryanair Holdings PLC, con domicilio en la Sede Social de Ryanair; las cuales son aprobadas y hechas públicamente disponibles de conformidad con la normativa irlandesa".

A cláusula 8.6.3º do PCAP prevé que a solvencia económica "Acreditarase por medio das contas anuais aprobadas e depositadas no Rexistro Mercantil, se o empresario estivera inscrito en dito rexistro, e no caso contrario, polas depositadas no rexistro oficial no que deba estar inscrito".

Tendo en conta a documentación achegada polo licitador, RYANAIR DAC deberá achegar as súas constas anuais aprobadas e depositadas no Rexistro Mercantil dun dos tres últimos anos cuxo importe sexa, cando menos, igual ou superior á anualidade media do prezo do contrato. Se non está obrigada a depositalas deberá achegar as contas da sociedade matriz, RYANAIR HOLDINGS PLC, xunto coa documentación que acredite que a citada empresa matriz posúe o 100% do seu capital social para poder entender que constitúen unha única unidade económica e que non recorre á solvencia dun terceiro (Resolución nº 167/2019, do 22 de febreiro de 2019, do Tribunal Administrativo Central de Recursos Contractuales).



Copia do documento - Concello de Vigo	Data impresión: 14/02/2023 11:03	Páxina 1 de 3
8283-104	CSV: AFA6BE-DH4538-AAC1BE-B3DGDC-42THCG-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

- Solvencia técnica: segundo a citada cláusula 8.6.3º do PCAP "Considerarase acreditada a solvencia se nalgún dos últimos tres anos acredita servizos ou traballos por importe igual ou superior a unha anualidade media do prezo do contrato", polo que o contrato recollido no certificado de Tourism Ireland non se podería ter en conta por ser previo aos últimos 3 anos e o certificado da Autoridad Turismo Malta resultaría insuficiente por ter un importe inferior ao esixido no PCAP.
- Feitas as oportunas comprobacións polo Servizo de Contratación conséntase a existencia de débedas de RYANAIR DAC coa Seguridade Social e coa Axencia Tributaria de Galicia, polo que o licitador deberá achegar os correspondentes certificados positivos.

Se publica anuncio no Perfil de Contratante do concello de Vigo para os efectos sinalados na cláusula 9 do prego de cláusulas administrativas particulares ("As notificacións practícaranse por medios electrónicos o mesmo día da publicación do seu contido no perfil de contratante. Cando nelas se sinale algún prazo para a práctica dalgunha actuación polo destinatario, este computarase desde a data de publicación no perfil de contratante"), ao abeiro do previsto na disposición adicional 15ª da Lei 9/2017, do 8 de novembro, de contratos do Sector Público.

O prazo para presentar a devandita documentación remata o día 17 de febreiro de 2023.

Advérteselle de que, conforme ao previsto no artigo 150.2 da LCSP, de non presentarse a documentación requirida en prazo, entenderase que retira a súa oferta, o que dará lugar a esixirlle ao licitador o importe do 3 por cento do presuposto base de licitación IVE excluído en concepto de penalidade así como a imposición dunha prohibición de contratar, pola causa prevista no artigo 71.2.a do LCSP "retirar indebidamente a súa proposición ou candidatura nun procedemento de adxudicación, ou haber imposibilitado a adxudicación do contrato ao seu favor por non cumprimentar o establecido no apartado 2 do artigo 150 dentro do prazo sinalado mediando dolo, culpa ou negligencia".

O enderezo web do Rexistro da sede electrónica do concello de Vigo onde poderán presentar a documentación solicitada é:

versión galego:

<https://sede.vigo.org/expedientes/usuarios/login.jsp?lang=ga>

versión castellano:

<https://sede.vigo.org/expedientes/usuarios/login.jsp?lang=cas>

Na documentación presentada a través do rexistro electrónico, os documentos que a acompañen terán que ser asinados mediante sinatura dixital.

O que comunicamos para coñecemento xeral e demais efectos.



Copia do documento - Concello de Vigo	Data impresión: 14/02/2023 11:03	Páxina 2 de 3
8283-104	CSV: AFA6BE-DH4538-AAC1BE-B3DGDC-42THCG-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

O contido integro da acta da sesión da Mesa de Contratación da que se publica este extracto pode consulta-lo no seguinte enderezo WEB:

<https://sede.vigo.org/expedientes/perfilcontratante/actasmesacontratacion.jsp?lang=gal>

A secretaria da Mesa de Contratación  
(sinatura dixital)



Copia do documento - Concello de Vigo	Data impresión: 14/02/2023 11:03	Páxina 3 de 3
8283-104	CSV: AFA6BE-DH4538-AAC1BE-B3DGDC-42THCG-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		